

歲寒堂讀杜卷之十

目錄

九日

薄暮

薄遊


王閬州筵奉酬十一舅惜別之作

閬州奉送二十四舅使自京赴任青城

閬州東樓筵奉送十一舅往青城縣得昏字

南池

放船



與嚴二郎奉禮別

贈裴南部聞袁判官自來欲有按問

對雨

警急

王命

征夫

漁陽

西山三首

遣憂

巴山

早花

城上

送李卿

曄

發閩中

歲暮

舍弟占歸草堂檢校聊示此詩

桃竹杖引贈章留後

冬狩行

山寺

將適吳楚留別章使君留後兼幕府諸公得柳字

收京

贈別賀蘭鈺

有感五首

寄賀蘭二鈺

愁坐

避地

閬山歌

閬水歌

巴西聞收京闕送班司馬入京

送司馬入京

泛江

江亭送睂州辛別駕昇之得蕪字

陪王使君晦日泛江就黃家亭子二首

傷春五首

釋悶

江亭王閬州筵餞蕭遂州

滕王亭子

玉臺觀

滕王亭子

玉臺觀

渡江

暮寒

憶昔二首

奉寄章十侍御

逃難

將赴荆南寄別李劍州

遊子

雙燕

百舌

自閬州領妻子却赴蜀山行三首

別房太尉墓

將赴成都草堂途中有作先寄嚴鄭公五首

歲寒堂讀杜卷之十

嘉興 范輦雲 楞阿 輯

男 玉琨 校

九日

去年登高鄴縣北今日重在涪江濱苦遭白髮不相放羞

見黃花無數新

句樸而韻

世亂鬱鬱久爲客路難悠悠常傍人

酒闌却憶十年事腸斷驪山清路塵

包含無限

前六句言久住梓州衰老無心賞菊末又憶明皇九日游幸往事也

薄暮

江水最深地山雲薄暮時

點題

寒花隱亂草宿鳥擇深枝

比喻

亂世賢人隱藏舊國見何日高秋心苦悲人生不再好鬢髮白成

絲

薄遊

病且老尚客故曰薄遊對壯遊看

淅淅風生砌團團月隱牆遙空秋雁滅半嶺暮雲長

滅長字俱

好

病葉多先墜寒花只暫香

二句比

巴城添淚眼今夕復秋

光

第三聯見老病不能久駐添字又從秋光映出

王閬州筵奉酬十一舅惜別之作

萬壑樹聲滿千崖秋氣高

紀時

浮舟出郡郭別酒寄江濤

別言

良會不復久此生何太勞窮愁但有骨

自述

羣盜尚如毛

時當

難

吾舅惜分手

惜別

使君寒贈袍

謂王贈舅氏

沙頭暮黃鶴失侶

亦哀號

末言別後離羣之苦

閬州奉送二十四舅使自京赴任青城

原註鶴曰青城縣屬蜀州

聞道王喬舄名因太史傳如何碧雞使把詔紫微天秦嶺

愁回馬涪江醉泛船青城漫污雜吾舅意淒然

此必乃舅出使未還京即轉縣令故甚惜之○前四句言縣令固有其人不宜遽令把詔使者爲之紫微帝星○愁回馬言不能赴京也涪江即謂閬州送別污雜卑瑣也

閬州東樓筵奉送十一舅往青城縣得昏字

此首當合前五

律看皆一時情事

曾城有高樓制古丹牖存迢迢百餘尺豁達開四門雖有

車馬客而無人世喧

二句正佳蓋地僻適以送別停車馬耳

遊目俯大江列

筵慰別魂是時秋冬交節往顏色昏

寫出初冬慘景

天寒鳥獸伏

霜露在草根

細

今我送舅氏萬感集清罇豈伊山川間迴

首盜賊繁

卽前首羣盜如毛意

高賢意不暇

合前五律看方明

王命久崩奔

臨風欲慟哭聲出已復吞

南池

崢嶸巴閬間所向盡山谷安知有蒼池萬頃浸坤軸呀然

閬城南枕帶巴江腹芰荷入異縣

見池之大

杭稻共比屋皇天

不無意美利戒止足高田失西成此物頗豐熟

四句言天道循環帶

議論

清源多衆魚遠岼富喬木獨歎楓香林春時好顏色

好

南有漢王祠終朝走巫祝歌舞散靈衣荒哉舊風俗高堂亦明王魂魄猶正直不應空陂上縹緲親酒食淫祀自古昔非惟一川瀆

高堂六句又見世人媚神之非亦入議論世乃謂詩道不可入論何也

干戈

浩茫地僻傷極目平生江海興遭亂身局促駐馬問漁

舟躊躇慰羈束

欲游池以開旅懷也

放船

送客蒼溪縣山寒雨不開直愁騎馬滑故作汎舟迴青惜

峰巒過黃知橘柚來江流天自在坐穩興悠哉

又映騎馬滑聯

不開謂不開霽青惜黃知曲盡舟中失此得彼應接不暇光景

與嚴二郎奉禮別

原註唐志太常寺奉禮郎二人掌君臣版位奉朝會祭祀禮

別君誰煖眼

原註反冷眼為煖新奇

將老病纏身出涕同斜日臨風

看去塵

是送別慘景

商歌還入夜巴俗自為鄰尚愧微軀在遙

聞盛禮新山東羣盜散闕下受降頻諸將歸應盡題書報

旅人

前六句自述情景後六句美嚴且致囑也○商歌謂清商可哀之音○受降禮正奉禮所掌

贈裴南部聞袁判官自來欲有按問

原註鶴曰南部縣屬閬州

塵滿萊蕪甌堂橫單父琴人皆知飲水公輩不偷金

四句言其

清

梁獄書應作

公自注去聲

秦臺鏡欲臨獨醒時所嫉羣小謗

能深卽出黃沙在何須白髮侵

六句言其白冤免搆訟之苦

使君傳舊

德

美使君

已見直繩心

飲水用昔人但飲吳江水事偷金用雋不疑
同舍冤其竊金事○黃沙想是塵土埋沒意

對雨

莽莽天涯雨江邊獨立時不愁巴道路

愁道路謂雨濕難行也

恐失

漢旌旗

旌旗卽戍卒所建失旗喻意言敗北也下急遲二字正此意妙在渾○原註失舊作濕失字好謂雨

中遠道不見也

雪嶺防秋急繩橋戰勝遲西戎甥舅禮未敢背恩

私諷

警急

公自註時高公適領西川節度使○原註鶴曰去年嚴武赴召高適始至除西川節度其在

元二年代崔光遠正是攝也按史是年吐蕃寇隴右適出兵南鄙以牽制之旣無功遂亾松維保三州及雲山城以黃門侍郎嚴武代之公是詩作於松維未陷之前漢書邊防備警急

才名舊楚將妙略擁兵機玉壘雖傳檄松州會解圍和親

知計拙公主漫無歸青海今誰得西戎實飽飛

檄羽書也雖傳檄跟上妙畧來言雖若傳檄可定而
急著尤在解圍○後四句正欲高急於拯救解圍

王命

王官改題作王命正以蜀中
重地須得王命重臣鎮撫耳

漢北豺狼滿巴西道路難血埋諸將甲骨斷使臣鞍牢落

新燒棧

初經賊變

蒼茫舊築壇

寫出一時
皇遽之景

深懷喻蜀意慟哭望

土官

骨斷言若馬骨已斷不回也○錢云築壇指嚴武也武
入朝而吐蕃陷河西隴右又圍松州蜀人思得武以代
適也○末二句以蜀中人心未定正賴急遣
大臣撫輯深懷慟哭見公之致望獨深切也

征夫

杜詩次第皆有深意豈得分類○原註鶴曰警
急王命征夫三首皆為高適作吐蕃入寇高適

在蜀調征夫防守卒陷松維等州故首篇有才
名妙畧之稱而其下皆敗北之事所以諷之也

十室幾人在千山空自多

初敗後景

路衢惟見哭城市不聞歌

申云兩句一意

漂梗無安地

自歎

銜枚有荷戈

本地防兵

官軍未通蜀吾

道竟如何

又望援兵

漁陽

原註按史是年十月吐蕃寇奉天京師戒嚴以雍王适爲關內兵馬元帥郭子儀副之趙曰漁

陽指雍王所統之兵也

漁陽突騎猶精銳赫赫雍王都節制猛將飄然恐後時本朝不入非高計祿山北築雄武城舊防敗走歸其營繫書

請問燕耆舊今日何須十萬兵

以祿山敗散勸諸叛將蚤歸命

猛將卽指降將不入謂負固者○祿山北築城以禦王師後防卒敗歸耆舊卽舊家陷於賊中者請問欲其諭

士民歸順也

西山三首

原註按史明皇還蜀後復分東西兩川爲兩節度西山列防秋三戍民罷于役高適

嘗上疏論之不聽又按西山有松州正當吐蕃要衝

夷界荒山頂蕃州積雪邊築城依白帝轉粟上青天蜀將

分旗鼓羌兵助鎧鋌西南背和好殺氣日相纏

三首雖皆言吐蕃入犯可危首見西戎入犯而蜀將分應降羌助戰尙難制勝次言將幕之飄搖使臣之危險賊勢披猖可憂三言馬瘦餉少何以應急末四句因預擬捷報以自寬耳情極危苦讀來却不覺○依白帝其規模象白帝城也○分旗鼓言分兵應敵

辛苦三城戍長防萬里秋煙塵侵火井雨雪閉松州風動將軍幕天寒使者裘漫山賊營壘迴首得無憂

風動喻飄搖可危天寒喻艱苦不測○廣德元年吐蕃陷松維保三城高適不能救於是劍南西山諸州亦入